

無上黃籙大齋立成儀卷之五十七

食七

無上黃籙大齋立成儀卷之五十七

食七

附錄修書本末

先君存齋先生諱叔輿字德瞻舊字蕭韓姓  
蔣氏自梁普通世居永嘉曾祖諱扶祖諱敷  
贈中大夫父諱行簡朝議大夫知處州贈中  
奉大夫紹熙壬子先君以郊恩補迪功郎揚  
州戶掾會計當耗斲息以清介聞中奉薨帥  
道侯鞏深嗟惜其去往臨安排岸丁孫令人  
憂監仁和鹽場亭戶桀黠數敗事先君稱幣  
出納一繩以法咸稱其廉平畏其威而懷其

惠比三歲額溢倍蓰特恩轉承直郎爲岳州  
軍節推乙亥旱蝗亘數路豫䟽畫荒政力贊  
守推行之市無貴糶野無飢民鼎民有誣李  
氏用人野祠者守籍其家寘諸極典獄具憲  
忽自疑檄先君鞠之鈞擿故牘一訊得其情

食七

悉平反之所全活者數十人淳熙末中奉鎮  
鼎有惠政民懷之祠于梁山及先君審李氏  
寃感泣者于路曰吾固知其爲蔣使君之子  
也丞吉州永新不踰年舉賢陞知信州弋陽  
縣縣綱壞久歲餉江淮軍月解淮東總所椿

積銀類取贏額外地境瘠俗漢忒影寄詭挾  
者連阡陌下戶苦役產破者相踵先君躬按  
版籍摘吏姦平易近民務通下情剖決滯訴  
以蘇洗冤負填解積逋以少紓督趣鋤治強  
梗以扶植良善士民條畫利病以告者立罷  
行之僻墟寂墅綏紳稚耆聚談慨嘆詠歌德  
政者不絕徹于天朝社稷壇壝蕪穢風雨師  
寄他所悉更新之植以所宜木黌舍層廩樓  
館廢壞者葺理不倦費取諸經用之餘蓋前  
政所貿名以自潤者非鞠死罪獄無宿囚惇

獨嫠孺有以情訴率得直庭不留訟志在於  
民絲髮不縷諸吏戴星出入疊疊忘勸竟以  
憂勤得疾疾已侵視官文書如故禺中猶囑  
貳令毋弛縣網夜漏上端坐而終時嘉定十  
年正月二十六日也享年六十有二積階承

食七

二

議郎以辛巳明堂恩賜五品服嗚呼痛哉先  
君幼穎悟明銳靈燭古今載籍博覽不倦一  
二過目率成誦敬誠篤實語不妄發賦性冲  
曠宇量寬和人與之交邈不見其喜愠之色  
工唐律清苦雅淡自得其趣志不安於小成

旁羅百氏天文地理運氣律曆倉技俞方甘  
星巫學靡不研賾深造而於混元道德之旨  
尤所耽味慶元乙卯冲靖留君來括蒼先君  
見之煙雨樓與論古齋法趣尚玄合遂定交  
己未壬戌再訪冲靖竹宮極講究之冲靖嘉  
嘆悉以平生得於荆蜀方士隱君子者授之  
先君通其變而施行焉每試輒驗緩急叩請  
悉無拒祛怪拯危靈異響答初冲靖謂先君  
曰以三洞真經爲道本以十方懺謝爲真誠  
精思九朝密投三簡齋法如是而已譎詭幻

怪迷誤眩惑非也又曰度人無量萬道之宗  
泰定田君居實所傳止於度死消天災鎮帝  
王禳毒害所以度天人者缺如也盍詮考經  
法且增益田君所未備不亦善乎先君深惟  
師訓竊病時俗逐流忘返徇華滅質剽切緒

食七

餘工習聲音以爲悅依託罔象附會影響以  
爲神波流風動邪說厖亂於是比次舊聞根  
極原起官遊所歷竒書妙蘊瓊章藻笈披閱  
殆遍螢窻寒焰不倦抄述辭語之鄙淺者釐  
而正之作用之外訛者辨而折之旨訣之異

同者整齊之使歸一節目之殺亂者刪合之  
使復正爲黃籙齋儀三十六卷自然齋儀一  
十五卷度人修齋行香誦經儀二十四卷總  
之曰靈寶玉檢合七十五卷始於嘉泰壬戌  
成於嘉定癸未上下二十年其扶翊大教用  
心勤苦如此朱遂林堯夫陳自誠趙希火之  
徒嗣其法將易箒謂契焱等曰死生命也富  
貴天也吾書幸垂成而大期忽屆我若死汝  
等當歸吾書于宗壇庶齋法或自是流暢幽  
明蒙賴則吾志願畢矣士之立身惟母友不



如已者而已言訖瞑目而逝既定容體如生  
嗚呼天乎痛哉處死生之際而不亂蓋先君  
之有得於道德玄元之宗指者深矣庶等銜  
哀茹苦敬遵治命再四校覆謹以遺書緘藏  
名山且附錄其歷官大節纂述之本末於後  
以俾後人有考云嘉定癸未七月不孝孤廢  
法名冲素焱法名冲一等泣血謹識

宋冲靖先生留君傳

華文閣學士通奉大夫提舉江州

太平興國宮奉化郡開國侯食邑

一千四百戶食實封一伯戶高文

虎譔并書

冲靖先生名用光字道輝姓留氏其始河洛人也六世祖仕唐官銀青光祿大夫五代時徙家泉之晉江宋興削平四方五世祖挾雋

食七

四

才西游江淮間過上饒郡樂貴谿雲峯山遂結廬父發清修特立有古君子風偕其室詹氏拜錄龍虎山夜夢漢天師授以丹曰服是當有子而僊遂娠先生既誕秀異渾古端慤自持少解悟玄學受法于上清正一宮道士

蔡元久元久宣和間太素大夫凝神殿校籍  
王道堅三世孫也既入道抗志精堅守一淵  
確探賸索隱窮歷險艱凡金簡玉字瓊篆琅  
函之目十洞要訣三皇內文能盡究旨歸別  
條緒焉諸法書靡一不練專以玉府五雷法  
正一法爲宗主密行元鍊垂三十年孝宗皇  
帝崇至化玩希夷懷柔九僊用毗大政三衢  
歲大旱郡太守沈侯作礪聞其善召風雷擇  
佳寮持禮屈致既至大書篆簡麾將吏呼叱  
鬼神奔走河嶽之勢肅如也郡縣吏農父老

且嗟且愕即日天大雨四境霑渥守以上聞  
行在早上覽奏大悅召赴闕舍太一宮趣致  
雨葺法如初又刊鐵券驅龍師有頃雨迅怒  
如霆西湖漕河涸不舟者立盈上遣內璫嘉  
諭令以龍歸須臾雲解駁日穿漏上嘉甚延

食七

五

見選德殿褒勞甚渥錫牙簡金綵授右街道  
錄居高士齋請歸故山後一年遣使趣召途  
中值雨顧使者曰某之禱久矣天其孰分疆  
理乎甫至闕雨隨車來上曰信乎其行業清  
高精誠感格矣御奎翰賜以八字既拜賜遜

且謝曰聖德動天雨且不違臣誠愚戆何力  
有焉冬不雪受詔舉法告于山川百神曉雪  
平尺上益神之德壽宮劉貴妃薨宮中修黃  
籙夜有影響如見李夫人者召對便殿咨以  
鬼神之事對曰一陰一陽之謂道鬼神者陰  
陽不測之謂也聚成形散為炁道家聚炁復  
神之法鬼神之情狀可窺矣上以為然且曰  
法中有正一旨要文該義奧盡訓詁之書奏  
御詔鏤傳未幾又告歸拜主管教門公事龍  
虎山上清正一宮管轄光宗受禪偶違豫壽

皇有憂色命以法被禳俄現巨神被髮橫劍  
殿下左右驚視帝躬清安兩宮相賀賜號冲  
靖先生固辭上即位祈雪夜拜綠章星斗猶  
離離曉以賀雪奏上竒之陞左街道錄擢太  
一宮都監壬戌歲早上諉以雨方登壇場行  
雨法雨聲忽如江海音上曰留君雨師也賜  
宸翰牙簡明年又閔雨對內殿曰臣草菅細  
微年年籲天

上帝有譴罪在不赦黃冠祭酒臣何敢專尸  
焉上曰為朕請命帝實汝嘉母辭時即得雨

郊祀禮成謁謝太一宮遷左右街道錄一日  
忽曰生有涯知無涯以有涯隨無涯殆已士  
不委身霄嶺滅景雲林留連京師動煩世主  
吾其過歟力丐歸既歸詔趣來者數四以病  
辭歲旦日謁帝真與宮中士會拜笑且訣有

食七

六

問者曰何之對曰遊乎無何有之鄉矣又問  
曰其朝白玉京歟燕蓬萊島歟對曰一念倏  
萌是曰妄想達人大觀孰來孰往入室端坐  
而化閱七日顏色如生真所謂尸解者乎遺  
表聞上嗟悼降御香賜賻禮給宣葬自居竹

宮時王侯諸公貴人家延見盡禮建齋靈禱  
問道受法者皆傾誠竭力人人得其歡以符  
水濟人危阨無告者戶外屨如織夜繼日書  
篆與人無倦意不給鬻餌者資之齋醮科率  
必舊文每曰人以情扣帝閭豈無辭達焉自  
爲製謨人所不能言者曲折宣揚之章詞表  
疏牒檄戒誓之文累數百紙無一差江浙間  
建黃籙大齋會者萬計躬嚮感應登載充冊  
一日壽康皇后殿召設大醮爲星帝千有二  
百各陳幣巨璫監護者曰先生富矣笑不答



禮既盡哀星幣同楮錢燎之推賜金新正一  
宮中殿藏數十楹輪奐甲江南又鈔諸部經  
內之藏荒臺圮觀壞橋隳路多所補治惠乏  
周急尤切切若揚氏蘇於燼火翟氏伸於銓  
庭拯王益於覆舟全鄭保於非命人尤稱之

食七

七

子思氏言至誠能盡其性至于能盡人之性  
能盡物之性孟子言自可欲之善至于不可  
知之神觀諸業尚冲密勤忘幽深理心事天  
所保惟畜道接靈鬼仁涵死生功聞紫清名  
在玉籍其心主乎誠其用幾乎神未易以道

家者流窺得法者郭友諒之流十餘人  
贊曰漢文帝召見賈生宣室夜問鬼神之事  
則鬼神尚矣孝宗聰明英睿非帝可及便殿  
所咨猶拳拳乎茲挺挺哉留君能以正對夫  
以三靈和同則動天地順雨暘不難於力天  
所不能神其用者人成之人所不能極其摯  
者鬼神與之迄以美利利乎民是與訪崆峒  
求蓬萊者異矣嗚呼孝宗仁矣夫

無上黃籙大齋立成儀卷之五十七



Large, faint, stylized characters, possibly a watermark or bleed-through from the reverse side of the page. The characters are partially obscured by a large, dark, irregular stain.



